

宋本《伤寒论》条文（六张纸便携版）

辨太阳病脉证并治上第五

- [1]太阳之为病，脉浮，头项强（jiàng）痛而恶（wù）寒。
- [2]太阳病，发热，汗出，恶风，脉缓者，名为中（zhòng）风。
- [3]太阳病，或已发热，或未发热，必恶寒，体痛，呕逆，脉阴阳俱紧者，名为伤寒。
- [4]伤寒一日，太阳受之，脉若静者，为不传；颇欲吐，若躁烦，脉数（shuò）急者，为传也。
- [5]伤寒二三日，阳明、少（shào）阳证不见（xiàn）者，为不传也。
- [6]太阳病，发热而渴，不恶寒者，为温病。若发汗已，身灼热者，名风温。风温为病，脉阴阳俱浮，自汗出，身重，多眠睡，鼻息必鼾（hān），语言难出。若被下者，小便不利，直视失溲（sōu）；若被火者，微发黄色，剧则如惊痫（xián），时瘵（chì zòng），若火熏之。一逆尚引日，再逆促命期。
- [7]病有发热恶寒者，发于阳也；无热恶寒者，发于阴也。发于阳，七日愈；发于阴，六日愈。以阳数七，阴数六故也。
- [8]太阳病，头痛至七日以上自愈者，以行其经尽故也。若欲作再经者，针足阳明，使经不传则愈。
- [9]太阳病，欲解时，从巳（sì）至未上。
- [10]风家，表解而不了了（liǎo）了者，十二日愈。
- [11]病人身大热，反欲得衣者，热在皮肤，寒在骨髓（suǐ）也；身大寒，反不欲近衣者，寒在皮肤，热在骨髓也。
- [12]太阳中风，阳浮而阴弱。阳浮者，热自发；阴弱者，汗自出。啬（sè）啬恶寒，淅（xī）淅恶风，翕（xī）翕发热，鼻鸣干呕者；**桂枝汤**主之。桂枝 芍药 甘草 生姜 大枣
- [13]太阳病，头痛，发热，汗出，恶风，**桂枝汤**主之。
- [14]太阳病，项背强（jiàng）几（jǐn）几，反汗出恶风者，**桂枝加葛（gé）根汤**主之。葛根 桂枝 芍药 甘草 生姜 大枣
- [15]太阳病，下之后，其气上冲者，可与**桂枝汤**，方用前法。若不上冲者，不得与之。
- [16]太阳病三日，已发汗，若吐、若下、若温针，仍不解者，此为坏病，桂枝不中与之也。观其脉证，知犯何逆，随证治之。桂枝本为解肌，若其人脉浮紧，发热汗不出者，不可与之也。常须识（zhì）此，勿令误也。
- [17]若酒客病，不可与**桂枝汤**，得之则呕，以酒客不喜甘故也。
- [18]喘家作**桂枝汤**，加厚朴（pò）杏子佳。桂枝 芍药 甘草 生姜 大枣 厚朴 杏仁
- [19]凡服**桂枝汤**吐者，其后必吐衄血也。
- [20]太阳病，发汗，遂漏不止，其人恶风，小便难，四肢微急，难以屈伸者，**桂枝加附子汤**主之。桂枝 芍药 甘草 生姜 大枣 附子
- [21]太阳病，下之后，脉促胸满者，**桂枝去芍药汤**主之。桂枝 甘草 生姜 大枣
- [22]若微寒者，**桂枝去芍药加附子汤**主之。桂枝 甘草 生姜 大枣 附子
- [23]太阳病，得之八九日，如疟状，发热恶寒，热多寒少，其人不呕，清便欲自可，一日二三度发。脉微缓者，为欲愈也；脉微而恶寒者，此阴阳俱虚，不可更发汗、更下、更吐也。面色反有热色者，未欲解也，以其不能得小汗出，身必痒，宜**桂枝麻黄各半汤**。桂枝 芍药 甘草 生姜 大枣 麻黄 杏仁
- [24]太阳病，初服**桂枝汤**，反烦不解者，先刺风池、风府，却与**桂枝汤**则愈。
- [25]服**桂枝汤**，大汗出，脉洪大者，与**桂枝汤**，如前法。若形似疟，一日再发者，汗出必解，宜**桂枝二麻黄一汤**。桂枝 芍药 甘草 生姜 大枣 麻黄 杏仁
- [26]服**桂枝汤**，大汗出后，大烦渴不解，脉洪大者，**白虎加人参汤**主之。知母 石膏 甘草 粳（jīng）米 人参
- [27]太阳病，发热恶寒，热多寒少；脉微弱者，此无阳也，不可发汗；宜**桂枝二越婢（bì）一汤**。桂枝 芍药 甘草 生姜 大枣 麻黄 石膏（越婢汤方：麻黄 石膏 生姜 甘草 大枣）
- [28]服**桂枝汤**，或下之，仍头项强痛，翕翕发热，无汗，心下满微痛，小便不利者，**桂枝去桂加茯苓白术（zhú）汤**主之。芍药 甘草 生姜 大枣 茯苓 白术
- [29]伤寒脉浮，自汗出，小便数，心烦，微恶寒，脚挛急，反与**桂枝**，欲攻其表，此误也。得之便厥，咽中干，烦躁吐逆者，作**甘草干姜汤**与之，以复其阳。若厥愈足温者，更作**芍药甘草汤**与之，其脚即伸。若胃气不和，谵（zhān）语者，少与**调胃承气汤**。若重发汗，复加烧针者，**四逆汤**主之。**甘草干姜汤**方：甘草 干姜 **芍药甘草汤**方：芍药 甘草 **调胃承气汤**方：大（dài）黄 甘草 芒硝 **四逆汤**方：甘草 干姜 附子
- [30]问曰：证象阳旦，按（àn）法治之而增剧，厥逆，咽中干，两胫（jīng）拘急而谵语。师曰：言夜半手足当温，两脚当伸。后如师言，何以知此？答曰：寸口脉浮而大，浮为风，大为虚；风则生微热，虚则两胫挛；病形象桂枝，因加附子参其间，增桂令汗出，附子温经，亡阳故也。厥逆，咽中干，烦躁，阳明内结，谵语烦乱，更饮**甘草干姜汤**；夜半阳气还，两足当热，胫尚微拘急，重与**芍药甘草汤**，尔乃胫伸；以**承气汤**微溲，则止其谵语，故知病可愈。

辨太阳病脉证并治中第六

[31]太阳病，项背强（jiàng）几（jǐn）几，无汗恶风，**葛根汤**主之。葛根 麻黄 桂枝 芍药 甘草 生姜 大枣

[32]太阳与阳明合病者，必自下利，**葛根汤**主之。

[33]太阳与阳明合病，不下利，但呕者，**葛根加半夏汤**主之。葛根 麻黄 桂枝 芍药 甘草 生姜 大枣 半夏

[34]太阳病，桂枝证，医反下之，利遂不止，脉促者，表未解也；喘而汗出者，**葛根黄芩黄连汤**主之。葛根 黄芩 黄连 甘草

[35]太阳病，头痛发热，身疼腰痛，骨节疼痛，恶风无汗而喘者，**麻黄汤**主之。麻黄 桂枝 甘草 杏仁

[36]太阳与阳明合病，喘而胸满者，不可下，宜**麻黄汤**。

[37]太阳病，十日以去，脉浮细而嗜卧者，外已解也。设胸满胁痛者，与**小柴胡汤**；脉但浮者，与**麻黄汤**。**小柴胡汤**方：柴胡 黄芩 半夏 生姜 人参 甘草 大枣

[38]太阳中风，脉浮紧，发热恶寒，身疼痛，不汗出而烦躁者，**大青龙汤**主之。若脉微弱，汗出恶风者，不可服之。服之则厥逆，筋惕肉瞤（rún），此为逆也。麻黄 桂枝 甘草 杏仁 生姜 大枣 石膏

[39]伤寒脉浮缓，身不疼，但重，乍有轻时，无少阴证者，**大青龙汤**发之。

[40]伤寒表不解，心下有水气，干呕发热而咳，或渴，或利，或噎（yē），或小便不利，少腹满，或喘者，**小青青龙汤**主之。麻黄 芍药 干姜 细辛 桂枝 五味子 甘草 半夏

[41]伤寒心下有水气，咳而微喘，发热不渴。服汤已，渴者，此寒去欲解也。**小青青龙汤**主之。

[42]太阳病，外证未解，脉浮弱者，当以汗解，宜**桂枝汤**。桂枝 芍药 甘草 生姜 大枣

[43]太阳病，下之微喘者，表未解故也，**桂枝加厚朴杏子汤**主之。桂枝 芍药 甘草 生姜 大枣 厚朴 杏仁

[44]太阳病，外证未解，不可下也，下之为逆。欲解外者，宜**桂枝汤**。

[45]太阳病，先发汗不解，而复下之，脉浮者不愈。浮为在外，而反下之，故令不愈。今脉浮，故在外，当须解外则愈，宜**桂枝汤**。

[46]太阳病，脉浮紧，无汗，发热，身疼痛，八九日不解，表证仍在，此当发其汗。服药已，微除，其人发烦目瞑，剧者必衄（nù），衄乃解。所以然者，阳气重故也。**麻黄汤**主之。

[47]太阳病，脉浮紧，发热，身无汗，自衄者愈。

[48]二阳并病，太阳初得病时，发其汗，汗先出不彻，因转属阳明，续自微汗出，不恶寒。若太阳病证不罢者，不可下，下之为逆，如此可小发汗。设面色缘缘正赤者，阳气怫（fú）郁在表，当解之熏之。若发汗不彻不足言，阳气怫郁不得越，当汗不汗，其人躁烦，不知痛处，乍在腹中，乍在四肢，按之不可得，其人短气但坐，以汗出不彻故也，更发汗则愈。何以知汗出不彻，以脉涩故知也。

[49]脉浮数者，法当汗出而愈。若下之，身重心悸者，不可发汗，当自汗出乃解。所以然者，尺中脉微，此里虚，须表里实，津液自和，便自汗出愈。

[50]脉浮紧者，法当身疼痛，宜以汗解之。假令尺中迟者，不可发汗。何以知然？以荣气不足，血少故也。

[51]脉浮者，病在表，可发汗，宜**麻黄汤**。

[52]脉浮而数者，可发汗，宜**麻黄汤**。

[53]病常自汗出者，此为荣气和，荣气和者，外不谐，以卫气不共荣气谐和故尔。以荣行脉中，卫行脉外，复发其汗，荣卫和则愈。宜**桂枝汤**。桂枝 芍药 甘草 生姜 大枣

[54]病人脏无他病，时发热自汗出而不愈者，此卫气不和也。先其时发汗则愈，宜**桂枝汤**。

[55]伤寒脉浮紧，不发汗，因致衄者，**麻黄汤**主之。

[56]伤寒不大便六七日，头痛有热者，与**承气汤**。其小便清者，知不在里，仍在表也，当须发汗。若头痛者必衄。宜**桂枝汤**。

[57]伤寒发汗已解，半日许复烦，脉浮数者，可更发汗，宜**桂枝汤**。

[58]凡病，若发汗、若吐、若下，若亡血、亡津液，阴阳自和者，必自愈。

[59]大下之后，复发汗，小便不利者，亡津液故也。勿治之，得小便利，必自愈。

[60]下之后，复发汗，必振寒，脉微细。所以然者，以内外俱虚故也。

[61]下之后，复发汗，昼日烦躁不得眠，夜而安静，不呕不渴，无表证，脉沉微，身无大热者，**干姜附子汤**主之。干姜 附子

[62]发汗后，身疼痛，脉沉迟者，**桂枝加芍药生姜各一两人参三两新加汤**主之。桂枝 芍药 甘草 生姜 大枣 人参

[63]发汗后，不可更行**桂枝汤**。汗出而喘，无大热者，可与**麻黄杏仁甘草石膏汤**。麻黄 杏仁 甘草 石膏

[64]发汗过多，其人叉手自冒心，心下悸，欲得按者，**桂枝甘草汤**主之。桂枝 甘草

[65]发汗后，其人脐（qí）下悸者，欲作奔豚，**茯苓桂枝甘草大枣汤**主之。茯苓 桂枝 甘草 大枣

[66]发汗后，腹胀满者，**厚朴生姜半夏甘草人参汤**主之。厚朴 生姜 半夏 甘草 人参

[67]伤寒若吐若下后，心下逆满，气上冲胸，起则头眩，脉沉紧，发汗则动经，身为振振摇者，**茯苓桂枝白术甘草汤**主之。茯苓 桂枝 白术 甘草

[68]发汗，病不解，反恶寒者，虚故也，**芍药甘草附子汤**主之。芍药 甘草 附子

[69]发汗，若下之，病仍不解，烦躁者，**茯苓四逆汤**主之。茯苓 人参 甘草 干姜 附子

[70]发汗后，恶寒者，虚故也；不恶寒，但热者，实也，当和胃气，与**调胃承气汤**。大黄 甘草 芒硝

[71]太阳病，发汗后，大汗出，胃中干，烦躁不得眠，欲得饮水者，少少与饮之，令胃气和则愈；若脉浮，小便不利，微热消渴者，**五苓散**主之。茯苓 白术 猪苓 泽泻 桂枝

[72]发汗已，脉浮数，烦渴者，**五苓散**主之。

[73]伤寒，汗出而渴者，**五苓散**主之；不渴者，**茯苓甘草汤**主之。茯苓甘草汤方：茯苓 桂枝 生姜 甘草

[74]中风发热，六七日不解而烦，有表里证，渴欲饮水，水入则吐者，名曰水逆，**五苓散**主之。

[75]未持脉时，病人手叉自冒心，师因教试令咳而不咳者，此必两耳聋无闻也。所以然者，以重发汗，虚故如此。发汗后，饮水多必喘，以水灌之亦喘。

[76]发汗后，水药不得入口为逆。若更发汗，必吐下不止。发汗吐下后，虚烦不得眠，若剧者，必反复颠倒，心中懊憹（náo），**栀子豉汤**主之；若少气者，**栀子甘草豉汤**主之；若呕者，**栀子生姜豉汤**主之。栀子豉汤方：栀子 香豉 栀子甘草豉汤方：栀子 甘草 香豉 栀子生姜豉汤方：栀子 生姜 香豉

[77]发汗，若下之，而烦热，胸中窒者，**栀子豉汤**主之。

[78]伤寒五六日，大下之后，身热不去，心中结痛者，未欲解也，**栀子豉汤**主之。

[79]伤寒下后，心烦腹满，卧起不安者，**栀子厚朴汤**主之。栀子 厚朴 枳（zhǐ）实

[80]伤寒，医以丸药大下之，身热不去，微烦者，**栀子干姜汤**主之。栀子 干姜

[81]凡用**栀子汤**，病人旧微溲者，不可与服之。

[82]太阳病，发汗，汗出不解，其人仍发热，心下悸，头眩，身瞤（rún）动，振振欲擗（pǐ）地者，**真武汤**主之。附子 茯苓 白术 芍药 生姜

[83]咽喉干燥者，不可发汗。

[84]淋（lìn）家，不可发汗；发汗必便血。

[85]疮家，虽身疼痛，不可发汗；汗出则痉（jìng）。

[86]衄家，不可发汗；汗出必额上陷，脉急紧，直视不能眴（shùn），不得眠。

[87]亡血家，不可发汗；发汗则寒栗而振。

[88]汗家，重（chóng）发汗，必恍惚心乱，小便已阴疼，与**禹余粮丸**。

[89]病人有寒，复发汗，胃中冷，必吐蛔。

[90]本发汗而复下之，此为逆也；若先发汗，治不为逆。本先下之而反汗之，为逆；若先下之，治不为逆。

[91]伤寒，医下之，续得下利清谷不止，身疼痛者，急当救里；后身疼痛，清便自调者，急当救表。救里宜**四逆汤**，救表宜**桂枝汤**。四逆汤方：甘草 干姜 附子

[92]病发热头痛，脉反沉，若不差（chāi），身体疼痛，当救其里，**四逆汤**方。

[93]太阳病，先下而不愈，因复发汗，以此表里俱虚，其人因致冒，冒家汗出自愈。所以然者，汗出表和故也。里未和，然后复下之。

[94]太阳病未解，脉阴阳俱停，必先振栗汗出而解；但阳脉微者，先汗出而解；但阴脉微者，下之而解。若欲下之，宜**调胃承气汤**。大黄 甘草 芒硝

[95]太阳病，发热汗出者，此为荣弱卫强，故使汗出，欲救邪风者，宜**桂枝汤**。桂枝 芍药 甘草 生姜 大枣

[96]伤寒五六日中风，往来寒热，胸胁苦满，嘿嘿（mò）嘿不欲饮食，心烦喜呕，或胸中烦而不呕，或渴，或腹中痛，或胁下痞硬，或心下悸、小便不利，或不渴、身有微热，或咳者，**小柴胡汤**主之。柴胡 黄芩 半夏 生姜 人参 甘草 大枣

[97]血弱气尽，腠理开，邪气因入，与正气相搏（tuán），结于胁下。正邪分争，往来寒热，休作有时，嘿嘿（mò）嘿不欲饮食，脏腑相连，其痛必下，邪高痛下，故使呕也，**小柴胡汤**主之。服**小柴胡汤**已，渴者属阳明，以法治之。

[98]得病六七日，脉迟浮弱，恶风寒，手足温。医二三下之，不能食，而胁下满痛，面目及身黄，颈项强（jiàng），小便难者，与**柴胡汤**，后必下重；本渴饮水而呕者，**柴胡汤**不中与也，食谷者哕（yuě）。

[99]伤寒四五日，身热恶风，颈项强，胁下满，手足温而渴者，**小柴胡汤**主之。

[100]伤寒，阳脉涩，阴脉弦，法当腹中急痛，先与小建中汤；不差（chāi）者，**小柴胡汤**主之。小建中汤方：桂枝 芍药 甘草 生姜 大枣 胶饴

[101]伤寒中风，有柴胡证，但见一证便是，不必悉具。凡**柴胡汤**病证而下之，若柴胡证不罢者，复与**柴胡汤**，必蒸蒸

而振，却复发热汗出而解。

[102]伤寒二三日，心中悸而烦者，**小建中汤**主之。

[103]太阳病，过经十余日，反二三下之，后四五日，柴胡证仍在者，先与**小柴胡**。呕不止，心下急，郁郁微烦者，为未解也，与**大柴胡汤**下之则愈。大柴胡汤方：柴胡 黄芩 半夏 生姜 芍药 枳实 大枣 （大黄）

[104]伤寒十三日不解，胸胁满而呕，日晡（bū）所发潮热，已而微利。此本柴胡证，下之以不得利，今反利者，知医以丸药下之，此非其治也。潮热者，实也。先宜服**小柴胡汤**以解外，后以**柴胡加芒硝汤**主之。柴胡加芒硝汤方：柴胡 黄芩 半夏 生姜 人参 甘草 大枣 芒硝

[105]伤寒十三日，过经谵语者，以有热也，当以汤下之。若小便利者，大便当硬，而反下利，脉调和者，知医以丸药下之，非其治也。若自下利者，脉当微厥，今反和者，此为内实也，**调胃承气汤**主之。大黄 甘草 芒硝

[106]太阳病不解，热结膀胱，其人如狂，血自下，下者愈。其外不解者，尚未可攻，当先解其外；外解已，但少腹急结者，乃可攻之，宜**桃核承气汤**。桃仁 桂枝 大黄 甘草 芒硝

[107]伤寒八九日，下之，胸满烦惊，小便不利，谵语，一身尽重，不可转侧者，**柴胡加龙骨牡蛎汤**主之。柴胡 黄芩 桂枝 茯苓 龙骨 牡蛎 铅丹 半夏 生姜 人参 大枣 大黄

[108]伤寒，腹满谵语，寸口脉浮而紧，此肝乘脾也，名曰纵，刺期门。

[109]伤寒发热，啬啬恶寒，大渴欲饮水，其腹必满，自汗出，小便利，其病欲解，此肝乘肺也，名曰横，刺期门。

[110]太阳病，二日反躁，凡熨（yùn）其背，而大汗出，大热入胃，胃中水竭，躁烦，必发谵语；十余日振栗自下利者，此为欲解也。故其汗从腰以下不得汗，欲小便不得，反呕，欲失溲，足下恶风，大便硬，小便当数，而反不数及不多；大便已，头卓（zhuó）然而痛，其人足心必热，谷气下流故也。

[111]太阳病中风，以火劫发汗，邪风被火热，血气流溢，失其常度，两阳相熏灼，其身发黄。阳盛则欲衄，阴虚小便难，阴阳俱虚竭，身体则枯燥。但头汗出，剂颈而还。腹满微喘，口干咽烂，或不大便，久则谵语，甚者至哕（yuě），手足躁扰，捻（niǎn）衣摸床。小便利者，其人可治。

[112]伤寒脉浮，医以火迫劫之，亡阳，必惊狂，卧起不安者，**桂枝去芍药加蜀漆牡蛎龙骨救逆汤**主之。桂枝 甘草 生姜 大枣 蜀漆 龙骨 牡蛎

[113]形作伤寒，其脉不弦紧而弱，弱者必渴，被火必谵语。弱者发热脉浮，解之当汗出愈。

[114]太阳病，以火熏之，不得汗，其人必躁，到经不解，必清血，名为火邪。

[115]脉浮热甚，而反灸之，此为实，实以虚治，因火而动，必咽燥吐血。

[116]微数之脉，慎不可灸。因火为邪，则为烦逆，追虚逐实，血散脉中，火气虽微，内攻有力，焦骨伤筋，血难复也。脉浮，宜以汗解，用火灸之，邪无从出，因火而盛，病从腰以下必重而痹，名火逆也。欲自解者，必当先烦，烦乃有汗而解。何以知之？脉浮，故知汗出解。

[117]烧针令其汗，针处被寒，核起而赤者，必发奔豚。气从少腹上冲心者，灸其核上各一壮，与**桂枝加桂汤**，更加桂二两也。桂枝 芍药 甘草 生姜 大枣

[118]火逆下之，因烧针烦躁者，**桂枝甘草龙骨牡蛎汤**主之。桂枝 甘草 龙骨 牡蛎

[119]太阳伤寒者，加温针必惊也。

[120]太阳病，当恶寒发热，今自汗出，反不恶寒发热，关上脉细数者，以医吐之过也。一二日吐之者，腹中饥，口不能食；三四日吐之者，不喜糜粥，欲食冷食，朝食暮吐。以医吐之所致也，此为小逆。

[121]太阳病，吐之，但太阳病当恶寒，今反不恶寒，不欲近衣，此为吐之内烦也。

[122]病人脉数，数为热，当消谷引食，而反吐者，此以发汗，令阳气微，膈气虚，脉乃数也。数为客热，不能消谷，以胃中虚冷，故吐也。

[123]太阳病，过经十余日，心下温温欲吐，而胸中痛，大便反溇，腹微满，郁郁微烦。先此时自极吐下者，与**调胃承气汤**。若不尔者，不可与。但欲呕，胸中痛，微溇者，此非**柴胡汤**证，以呕，故知极吐下也。调胃承气汤方：大黄 甘草 芒硝

[124]太阳病六七日，表证仍在，脉微而沉，反不结胸，其人发狂者，以热在下焦，少腹当硬满，小便自利者，下血乃愈。所以然者，以太阳随经，瘀热在里故也，**抵当汤**主之。水蛭（zhì） 虻（méng）虫 桃仁 大黄

[125]太阳病，身黄，脉沉结，少腹硬，小便不利者，为无血也；小便自利，其人如狂者，血证谛也，**抵当汤**主之。

[126]伤寒有热，少腹满，应小便不利，今反利者，为有血也，当下之，不可余药，宜**抵当丸**。

[127]太阳病，小便利者，以饮水多，必心下悸；小便少者，必苦里急也。

辨太阳病脉证并治下第七

[128]问曰：病有结胸，有脏结，其状何如？答曰：按之痛，寸脉浮，关脉沉，名曰结胸也。

[129]何为脏结？答曰：如结胸状，饮食如故，时时下利，寸脉浮，关脉小细沉紧，名曰脏结。舌上白胎滑者，难治。

[130]脏结无阳证，不往来寒热，其人反静，舌上胎滑者，不可攻也。

[131]病发于阳，而反下之，热入因作结胸；病发于阴，而反下之，因作痞也。所以成结胸者，以下之太早故也。结胸者，项亦强，如柔痉状，下之则和，宜**大陷胸丸**。大黄 芒硝 甘遂 葶（tíng）苈（lì）子 杏仁 白蜜

[132]结胸证，其脉浮大者，不可下，下之则死。

[133]结胸证悉具，烦躁者亦死。

[134]太阳病，脉浮而动数，浮则为风，数则为热，动则为痛，数则为虚。头痛发热，微盗汗出，而反恶寒者，表未解也。医反下之，动数变迟，膈内拒痛，胃中空虚，客气动膈，短气躁烦，心中懊憹（náo），阳气内陷，心下因硬，则为结胸，**大陷胸汤**主之。若不结胸，但头汗出，余处无汗，剂颈而还，小便不利，身必发黄。大黄 芒硝 甘遂

[135]伤寒六七日，结胸热实，脉沉而紧，心下痛，按之石硬者，**大陷胸汤**主之。

[136]伤寒十余日，热结在里，复往来寒热者，与**大柴胡汤**；但结胸，无大热者，此为水结在胸胁也，但头微汗出者，**大陷胸汤**主之。大柴胡汤方：柴胡 黄芩 半夏 生姜 芍药 枳实 大枣（大黄）

[137]太阳病，重发汗而复下之，不大便五六日，舌上燥而渴，日晡所小有潮热，从心下至少腹硬满而痛，不可近者，**大陷胸汤**主之。

[138]小结胸病，正在心下，按之则痛，脉浮滑者，**小陷胸汤**主之。半夏 黄连 栝（guā）楼实

[139]太阳病，二三日，不能卧，但欲起，心下必结，脉微弱者，此本有寒分也。反下之，若利止，必作结胸；未止者，四日复下之，此作协热利也。

[140]太阳病，下之，其脉促，不结胸者，此为欲解也。脉浮者，必结胸。脉紧者，必咽痛。脉弦者，必两胁拘急。脉细数者，头痛未止。脉沉紧者，必欲呕。脉沉滑者，协热利。脉浮滑者，必下血。

[141]病在阳，应以汗解之，反以冷水澀（xùn）之，若灌之，其热被劫不得去，弥更益烦，肉上粟起，意欲饮水，反不渴者，服**文蛤（gé）散**；若不差（chāi）者，与**五苓散**。寒实结胸，无热证者，与**三物小白散**。文蛤散方：文蛤 五苓散方：茯苓 桂枝 白术 猪苓 泽泻 三物白散方：桔（jié）梗 贝母 巴豆

[142]太阳与少阳并病，头项强痛，或眩冒，时如结胸，心下痞硬者，当刺大椎第一间、肺俞（shù）、肝俞，慎不可发汗。发汗则谵语，脉弦，五日谵语不止，当刺期门。

[143]妇人中风，发热恶寒，经水适来，得之七八日，热除而脉迟身凉，胸胁下满，如结胸状，谵语者，此为热入血室也，当刺期门，随其实而取之。

[144]妇人中风，七八日，续得寒热，发作有时，经水适断者，此为热入血室，其血必结，故使如疟状，发作有时，**小柴胡汤**主之。柴胡 黄芩 半夏 生姜 人参 甘草 大枣

[145]妇人伤寒，发热，经水适来，昼日明了，暮则谵语，如见鬼状者，此为热入血室。无犯胃气，及上二焦，必自愈。

[146]伤寒六七日，发热微恶寒，支节烦疼，微呕，心下支结，外证未去者，**柴胡桂枝汤**主之。柴胡 黄芩 半夏 生姜 桂枝 芍药 人参 甘草 大枣

[147]伤寒五六日，已发汗而复下之，胸胁满微结，小便不利，渴而不呕，但头汗出，往来寒热，心烦者，此为未解也，**柴胡桂枝干姜汤**主之。柴胡 黄芩 桂枝 甘草 干姜 栝楼根 牡蛎

[148]伤寒五六日，头汗出，微恶寒，手足冷，心下满，口不欲食，大便硬，脉细者，此为阳微结，必有表，复有里也。脉沉，亦在里也。汗出为阳微，假令纯阴结，不得复有外证，悉入在里，此为半在里半在外也。脉虽沉紧，不得为少阴病，所以然者，阴不得有汗，今头汗出，故知非少阴也，可与**小柴胡汤**。设不了了者，得屎而解。

[149]伤寒五六日，呕而发热者，**柴胡汤**证具，而以他药下之，柴胡证仍在者，复与**柴胡汤**。此虽已下之，不为逆，必蒸蒸而振，却发热汗出而解。若心下满而硬痛者，此为结胸也，**大陷胸汤**主之。但满而不痛者，此为痞，**柴胡**不中与之，宜**半夏泻心汤**。半夏泻心汤方：半夏 干姜 黄芩 黄连 人参 甘草 大枣

[150]太阳少阳并病，而反下之，成结胸，心下硬，下利不止，水浆不下，其人心烦。

[151]脉浮而紧，而复下之，紧反入里，则作痞。按之自濡（rú），但气痞耳。

[152]太阳中风，下利呕逆，表解者，乃可攻之。其人噦（zhí）噦汗出，发作有时，头痛，心下痞硬满，引胁下痛，干呕短气，汗出不恶寒者，此表解里未和也，**十枣汤**主之。芫（yuán）花 甘遂 大戟（jī） 大枣

[153]太阳病，医发汗，遂发热恶寒，因复下之，心下痞。表里俱虚，阴阳气并竭，无阳则阴独。复加烧针，因胸烦。面色青黄，肤瞤（rún）者，难治；今色微黄，手足温者，易愈。

[154]心下痞，按之濡，其脉关上浮者，**大黄黄连泻心汤**主之。大黄 黄连

[155]心下痞，而复恶寒汗出者，**附子泻心汤**主之。大黄 黄连 黄芩 附子

[156]本以下之，故心下痞，与**泻心汤**，痞不解。其人渴而口燥烦，小便不利者，**五苓散**主之。

[157]伤寒，汗出解之后，胃中不和，心下痞硬，干噫（ài）食臭（xiù），胁下有水气，腹中雷鸣下利者，**生姜泻心汤**主之。生姜 半夏 干姜 黄芩 黄连 人参 甘草 大枣

[158]伤寒中风，医反下之，其人下利日数十行，谷不化，腹中雷鸣，心下痞硬而满，干呕心烦不得安。医见心下痞，谓病不尽，复下之，其痞益甚。此非结热，但以胃中虚，客气上逆，故使硬也，**甘草泻心汤**主之。甘草 半夏 干姜 黄芩 黄连 大枣（人参）

[159]伤寒服汤药，下利不止，心下痞硬。服**泻心汤**已。复以他药下之，利不止；医以**理中**与之，利益甚。理中者，理中焦，此利在下焦，**赤石脂禹余粮汤**主之。复不止者，当利其小便。理中丸方：人参 甘草 干姜 白术 赤石脂禹余粮汤方：赤石脂 禹余粮

[160]伤寒吐下后，发汗，虚烦，脉甚微，八九日心下痞硬，胁下痛，气上冲咽喉，眩冒，经脉动惕者，久而成痿（wěi）。

[161]伤寒发汗，若吐若下，解后，心下痞硬，噫（ài）气不除者，**旋覆代赭（zhě）汤**主之。旋覆花 代赭 半夏 生姜 人参 甘草 大枣

[162]下后，不可更行**桂枝汤**，若汗出而喘，无大热者，可与**麻黄杏仁甘草石膏汤**。麻黄 杏仁 甘草 石膏

[163]太阳病，外证未除，而数（shuò）下之，遂协热而利，利下不止，心下痞硬，表里不解者，**桂枝人参汤**主之。桂枝 人参 甘草 干姜 白术

[164]伤寒，大下后，复发汗，心下痞，恶寒者，表未解也。不可攻痞，当先解表，表解乃可攻痞。解表宜**桂枝汤**，攻痞宜**大黄黄连泻心汤**。 大黄 黄连

[165]伤寒发热，汗出不解，心中痞硬，呕吐而下利者，**大柴胡汤**主之。柴胡 黄芩 半夏 生姜 芍药 枳实 大枣（大黄）

[166]病如桂枝证，头不痛，项不强，寸脉微浮，胸中痞硬，气上冲咽喉，不得息者，此为胸有寒也，当吐之，宜**瓜蒂散**。瓜蒂 赤小豆

[167]病胁下素有痞，连在脐傍（páng），痛引少腹，入阴筋者，此名脏结，死。

[168]伤寒，若吐若下后，七八日不解，热结在里，表里俱热，时时恶风，大渴，舌上干燥而烦，欲饮水数升者，**白虎加人参汤**主之。石膏 知母 甘草 粳米 人参

[169]伤寒无大热，口燥渴，心烦，背微恶寒者，**白虎加人参汤**主之。

[170]伤寒脉浮，发热无汗，其表不解，不可与**白虎汤**。渴欲饮水，无表证者，**白虎加人参汤**主之。

[171]太阳少阳并病，心下硬，颈项强（jiàng）而眩者，当刺大椎、肺俞（shù）、肝俞，慎勿下之。

[172]太阳与少阳合病，自下利者，与**黄芩汤**；若呕者，**黄芩加半夏生姜汤**主之。黄芩汤方：黄芩 芍药 甘草 大枣 黄芩加半夏生姜汤方：黄芩 芍药 甘草 大枣 半夏 生姜

[173]伤寒，胸中有热，胃中有邪气，腹中痛，欲呕吐者，**黄连汤**主之。黄连 桂枝 半夏 干姜 人参 甘草 大枣

[174]伤寒八九日，风湿相搏（tuán），身体疼烦，不能自转侧，不呕不渴，脉浮虚而涩者，**桂枝附子汤**主之。若其人大便硬，小便自利者，**去桂加白术汤**主之。桂枝附子汤方：桂枝 附子 甘草 生姜 大枣 去桂加白术汤方：附子 白术 甘草 生姜 大枣

[175]风湿相搏（tuán），骨节疼烦，掣（chè）痛不得屈伸，近之则痛剧，汗出短气，小便不利，恶风不欲去衣，或身微肿者，**甘草附子汤**主之。甘草 附子 桂枝 白术

[176]伤寒，脉浮滑，此以表有热，里有寒，**白虎汤**主之。石膏 知母 甘草 粳米

[177]伤寒，脉结代，心动悸，**炙甘草汤**主之。甘草 桂枝 人参 大枣 生姜 生地黄 麦门冬 麻仁 阿胶（清酒）

[178]脉按之来缓，时一止复来者，名曰结。又脉来动而中止，更来小数（shuò），中有还者反动，名曰结，阴也。脉来动而中止，不能自还，因而复动者，名曰代，阴也。得此脉者，必难治。

辨阳明病脉证并治第八

[179]问曰：病有太阳阳明，有正阳阳明，有少阳阳明，何谓也？答曰：太阳阳明者，脾约是也；正阳阳明者，胃家实是也；少阳阳明者，发汗利小便已，胃中燥烦实，大便难是也。

[180]阳明之为病，胃家实是也。

[181]问曰：何缘得阳明病？答曰：太阳病，若发汗、若下、若利小便，此亡津液，胃中干燥，因转属阳明；不更衣，内实，大便难者，此名阳明也。

[182]问曰：阳明病外证云何？答曰：身热，汗自出，不恶寒，反恶热也。

[183]问曰：病有得之一日，不发热而恶寒者，何也？答曰：虽得之一日，恶寒将自罢，即自汗出而恶热也。

[184]问曰：恶寒何故自罢？答曰：阳明居中，主土也，万物所归，无所复传。始虽恶寒，二日自止，此为阳明病也。

[185]本太阳初得病时，发其汗，汗先出不彻，因转属阳明也。伤寒发热无汗，呕不能食，而反汗出濇（jì）濇然者，是转属阳明也。

[186]伤寒三日，阳明脉大。

[187]伤寒，脉浮而缓，手足自温者，是为系在太阴。太阴者，身当发黄；若小便自利者，不能发黄；至七八日，大便

硬者，为阳明病也。

[188]伤寒转系阳明者，其人澁（jì）然微汗出也。

[189]阳明中风，口苦咽干，腹满微喘，发热恶寒，脉浮而紧。若下之，则腹满小便难也。

[190]阳明病，若能食，名中风；不能食，名中寒。

[191]阳明病，若中寒者，不能食，小便不利，手足澁（jì）然汗出，此欲作固瘕（jiǎ），必大便初硬后溏。所以然者，以胃中冷，水谷不别故也。

[192]阳明病，初欲食，小便反不利，大便自调，其人骨节疼，翕翕如有热状，奄（yǎn）然发狂，澁（jì）然汗出而解者，此水不胜谷气，与汗共并，脉紧则愈。

[193]阳明病，欲解时，从申至戌上。

[194]阳明病，不能食，攻其热必嘔（yuě）。所以然者，胃中虚冷故也。以其人本虚，攻其热必嘔。

[195]阳明病，脉迟，食难用饱，饱则微烦，头眩，必小便难，此欲作谷瘕（dān）。虽下之，腹满如故。所以然者，脉迟故也。

[196]阳明病，法多汗，反无汗，其身如虫行皮中状者，此以久虚故也。

[197]阳明病，反无汗，而小便利，二三日呕而咳，手足厥者，必苦头痛；若不咳不呕，手足不厥者，头不痛。

[198]阳明病，但头眩，不恶寒。故能食而咳，其人咽必痛；若不咳者，咽不痛。

[199]阳明病，无汗，小便不利，心中懊憹（náo）者，身必发黄。

[200]阳明病，被火，额上微汗出，而小便不利者，必发黄。

[201]阳明病，脉浮而紧者，必潮热，发作有时；但浮者，必盗汗出。

[202]阳明病，口燥，但欲漱（shù）水，不欲咽（yàn）者，此必衄。

[203]阳明病，本自汗出，医更重（chóng）发汗，病已差（chài），尚微烦不了了者，此必大便硬故也。以亡津液，胃中干燥，故令大便硬。当问其小便日几行（xíng），若本小便日三四行，今日再行，故知大便不久出。今为小便数（shù）少，以津液当还（huán）入胃中，故知不久必大便也。

[204]伤寒呕多，虽有阳明证，不可攻之。

[205]阳明病，心下硬满者，不可攻之；攻之利遂不止者死，利止者愈。

[206]阳明病，面合色赤，不可攻之。必发热、色黄者，小便不利也。

[207]阳明病，不吐不下，心烦者，可与**调胃承气汤**。大黄 甘草 芒硝

[208]阳明病，脉迟，虽汗出不恶寒者，其身必重，短气，腹满而喘，有潮热者，此外欲解，可攻里也。手足澁（jì）然汗出者，此大便已硬也，**大承气汤**主之；若汗多，微发热恶寒者，外未解也；其热不潮，未可与**承气汤**；若腹大满不通者，可与**小承气汤**微和胃气，勿令至大泄下。大承气汤方：大黄 厚朴 枳实 芒硝 小承气汤方：大黄 厚朴 枳实

[209]阳明病，潮热，大便微硬者，可与**大承气汤**；不硬者，不可与之。若不大便六七日，恐有燥屎，欲知之法，少与**小承气汤**，汤入腹中，转失气者，此有燥屎也，乃可攻之；若不转失气者，此但初头硬，后必溏，不可攻之，攻之必胀满不能食也。欲饮水者，与水则嘔（yuě）。其后发热者，必大便复硬而少也，以**小承气汤**和之。不转失气者，慎不可攻也。

[210]夫实则谵语，虚则郑声。郑声者，重（chóng）语也。直视谵语，喘满者死，下利者亦死。

[211]发汗多，若重发汗者，亡其阳，谵语，脉短者死，脉自和者不死。

[212]伤寒若吐若下后，不解，不大便五六日，上至十余日，日晡所发潮热，不恶寒，独语如见鬼状；若剧者，发则不识人，循衣摸床，惕而不安，微喘直视，脉弦者生，涩者死。微者，但发热谵语者，**大承气汤**主之；若一服利，则止后服。

[213]阳明病，其人多汗，以津液外出，胃中燥，大便必硬，硬则谵语，**小承气汤**主之；若一服谵语止者，更莫复服。

[214]阳明病，谵语，发潮热，脉滑而疾者，**小承气汤**主之。因与**承气汤**一升，腹中转气者，更服一升；若不转气者，勿更与之。明日又不大便，脉反微涩者，里虚也，为难治，不可更与**承气汤**也。

[215]阳明病，谵语有潮热，反不能食者，胃中必有燥屎五六枚也。若能食者，但硬耳，宜**大承气汤**下之。

[216]阳明病，下血谵语者，此为热入血室。但头汗出者，刺期门，随其实而泻之，澁（jì）然汗出则愈。

[217]汗出谵语者，以有燥屎在胃中，此为风也，须下者，过经乃可下之；下之若早，语言必乱，以表虚里实故也。下之愈，宜**大承气汤**。

[218]伤寒四五日，脉沉而喘满，沉为在里，而反发其汗，津液越出，大便为难，表虚里实，久则谵语。

[219]三阳合病，腹满身重，难以转侧，口不仁，面垢，谵语，遗尿。发汗则谵语，下之则额上生汗，手足逆冷；若自汗出者，**白虎汤**主之。石膏 知母 甘草 粳米

[220]二阳并病，太阳证罢，但发潮热，手足𦞑（zhí）𦞑汗出，大便难而谵语者，下之则愈，宜**大承气汤**。

[221]阳明病，脉浮而紧，咽燥口苦，腹满而喘，发热汗出，不恶寒反恶热，身重。若发汗则躁，心愤（kuì）愤，反谵语；若加温针，必怵惕（chù tì）烦躁不得眠；若下之，则胃中空虚，客气动膈，心中懊憹（náo）。舌上胎者，**栀子豉汤**主之。栀子 豆豉

[222]若渴欲饮水，口干舌燥者，**白虎加人参汤**主之。石膏 知母 甘草 粳米 人参

[223]若脉浮发热，渴欲饮水，小便不利者，**猪苓汤**主之。猪苓 茯苓 泽泻 阿胶 滑石

[224]阳明病，汗出多而渴者，不可与猪苓汤。以汗多胃中燥，**猪苓汤**复利其小便故也。

[225]脉浮而迟，表热里寒，下利清谷者，**四逆汤**主之。甘草 干姜 附子

[226]若胃中虚冷，不能食者，饮水则哕（yuě）。

[227]脉浮发热，口干鼻燥，能食者则衄。

[228]阳明病，下之，其外有热，手足温，不结胸，心中懊憹（náo），饥不能食，但头汗出者，**栀子豉汤**主之。栀子 豆豉

[229]阳明病，发潮热，大便溏，小便自可，胸胁满不去者，与**小柴胡汤**。柴胡 黄芩 半夏 生姜 人参 甘草 大枣

[230]阳明病，胁下硬满，不大便而呕，舌上白胎者，可与**小柴胡汤**。上焦得通，津液得下，胃气因和，身濇（jì）然汗出而解。

[231]阳明中风，脉弦浮大，而短气，腹都满，胁下及心痛，久按之气不通，鼻干，不得汗，嗜卧，一身及目悉黄，小便难，有潮热，时时哕（yuě），耳前后肿，刺之小差（chài），外不解。病过十日，脉续浮者，与**小柴胡汤**。

[232]脉但浮，无余证者，与**麻黄汤**。若不尿，腹满加哕者，不治。麻黄 桂枝 甘草 杏仁

[233]阳明病，自汗出，若发汗，小便自利者，此为津液内竭，虽硬不可攻之，当须自欲大便，宜**蜜煎**导而通之。若土瓜根及**大猪胆汁**，皆可为导。

[234]阳明病，脉迟，汗出多，微恶寒者，表未解也，可发汗，宜**桂枝汤**。桂枝 芍药 甘草 生姜 大枣

[235]阳明病，脉浮，无汗而喘者，发汗则愈，宜**麻黄汤**。

[236]阳明病，发热汗出者，此为热越，不能发黄也。但头汗出，身无汗，剂颈而还，小便不利，渴引水浆者，此为瘀热在里，身必发黄，**茵陈蒿（hāo）汤**主之。茵陈蒿 栀子 大黄

[237]阳明证，其人喜忘者，必有蓄血。所以然者，本有久瘀血，故令喜忘。屎虽硬，大便反易，其色必黑者，宜**抵当汤**下之。水蛭 虻虫 桃仁 大黄

[238]阳明病，下之，心中懊憹（náo）而烦，胃中有燥屎者，可攻。腹微满，初头硬，后必溏，不可攻之。若有燥屎者，宜**大承气汤**。大黄 厚朴 枳实 芒硝

[239]病人不大便五六日，绕脐痛，烦躁，发作有时者，此有燥屎，故使不大便也。

[240]病人烦热，汗出则解，又如疟状，日晡所发热者，属阳明也。脉实者，宜下之；脉浮虚者，宜发汗。下之与**大承气汤**，发汗宜**桂枝汤**。

[241]大下后，六七日不大便，烦不解，腹满痛者，此有燥屎也。所以然者，本有宿食故也，宜**大承气汤**。

[242]病人小便不利，大便乍难乍易，时有微热，喘冒不能卧者，有燥屎也，宜**大承气汤**。

[243]食谷欲呕，属阳明也，**吴茱萸汤**主之。得汤反剧者，属上焦也。吴茱萸 生姜 大枣 人参

[244]太阳病，寸缓关浮尺弱，其人发热汗出，复恶寒，不呕，但心下痞者，此以医下之也。如其不下者，病人不恶寒而渴者，此转属阳明也。小便数者，大便必硬，不更衣十日，无所苦也。渴欲饮水，少少与之，但以法救之。渴者，宜**五苓散**。茯苓 白术 猪苓 泽泻 桂枝

[245]脉阳微而汗出少者，为自和也；汗出多者，为太过。阳脉实，因发其汗，出多者，亦为太过。太过者，为阳绝于里，亡津液，大便因硬也。

[246]脉浮而芤（kōu），浮为阳，芤为阴，浮芤相搏（tuán），胃气生热，其阳则绝。

[247]趺（fū）阳脉浮而涩，浮则胃气强，涩则小便数，浮涩相搏（tuán），大便则硬，其脾为约，**麻子仁丸**主之。麻子仁 杏仁 芍药 大黄 厚朴 枳实

[248]太阳病三日，发汗不解，蒸蒸发热者，属胃也，**调胃承气汤**主之。大黄 甘草 芒硝

[249]伤寒吐后，腹胀满者，与**调胃承气汤**。

[250]太阳病，若吐若下若发汗后，微烦，小便数，大便因硬者，与**小承气汤**和之愈。大黄 厚朴 枳实

[251]得病二三日，脉弱，无太阳、柴胡证，烦躁，心下硬。至四五日，虽能食，以**小承气汤**，少少与，微和之，令小安。至六日，与**承气汤**一升。若不大便六七日，小便少者，虽不受食，但初头硬，后必溏，未定成硬，攻之必溏；须小便利，屎定硬，乃可攻之，宜**大承气汤**。

[252]伤寒六七日，目中不了了，睛不和，无表里证，大便难，身微热者，此为实也，急下之，宜**大承气汤**。大黄 厚朴 枳

实 芒硝

[253]阳明病，发热、汗多者，急下之，宜**大承气汤**。

[254]发汗不解，腹满痛者，急下之，宜**大承气汤**。

[255]腹满不减，减不足言，当下之，宜**大承气汤**。

[256]阳明少阳合病，必下利，其脉不负者，为顺也；负者，失也。互相克贼，名为负也。脉滑而数者，有宿食也，当下之，宜**大承气汤**。

[257]病人无表里证，发热七八日，虽脉浮数者，可下之。假令已下，脉数不解，合热则消谷喜饥，至六七日不大便者，有瘀血，宜**抵当汤**。水蛭 虻虫 桃仁 大黄

[258]若脉数不解，而下不止，必协热便脓血也。

[259]伤寒发汗已，身目为黄，所以然者，以寒湿在里不解故也。以为不可下也，于寒湿中求之。

[260]伤寒七八日，身黄如橘子色，小便不利，腹微满者，**茵陈蒿汤**主之。茵陈蒿 栀子 大黄

[261]伤寒身黄发热，**栀子柏（bò）皮汤**主之。栀子 甘草 黄柏

[262]伤寒瘀热在里，身必黄，**麻黄连轺（yáo）赤小豆汤**主之。麻黄 杏仁 连轺 生梓（zǐ）白皮 赤小豆 甘草 生姜 大枣

辨少（shào）阳病脉证并治第九

[263]少阳之为病，口苦、咽干、目眩也。

[264]少阳中风，两耳无所闻，目赤，胸中满而烦者，不可吐下，吐下则悸而惊。

[265]伤寒脉弦细，头痛发热者，属少阳。少阳不可发汗，发汗则谵语，此属胃，胃和则愈，胃不和，烦而悸。

[266]本太阳病不解，转入少阳者，胁下硬满，干呕不能食，往来寒热，尚未吐下，脉沉紧者，与**小柴胡汤**。柴胡 黄芩 半夏 生姜 人参 甘草 大枣

[267]若已吐下、发汗、温针，谵语，**柴胡汤**证罢，此为坏病。知犯何逆，以法治之。

[268]三阳合病，脉浮大，上关上，但欲眠睡，目合则汗。

[269]伤寒六七日，无大热，其人烦躁者，此为阳去入阴故也。

[270]伤寒三日，三阳为尽，三阴当受邪，其人反能食而不呕，此为三阴不受邪也。

[271]伤寒三日，少阳脉小者，欲已也。

[272]少阳病，欲解时，从寅至辰上。

辨太阴病脉证并治第十

[273]太阴之为病，腹满而吐，食不下，自利益甚，时腹自痛。若下之，必胸下结硬。

[274]太阴中风，四肢烦疼，阳微阴涩而长（cháng）者，为欲愈。

[275]太阴病，欲解时，从亥至丑上。

[276]太阴病，脉浮者，可发汗，宜**桂枝汤**。桂枝 芍药 甘草 生姜 大枣

[277]自利不渴者，属太阴，以其脏有寒故也，当温之，宜服**四逆辈**。

[278]伤寒脉浮而缓，手足自温者，系在太阴。太阴当发身黄，若小便自利者，不能发黄。至七八日，虽暴烦下利日十余行（xíng），必自止，以脾家实，腐秽（huì）当去故也。

[279]本太阳病，医反下之，因尔腹满时痛者，属太阴也，**桂枝加芍药汤**主之。大实痛者，**桂枝加大黄汤**主之。桂枝加芍药汤：桂枝 芍药 甘草 生姜 大枣 桂枝加大黄汤：桂枝 芍药 甘草 生姜 大枣 大黄

[280]太阴为病，脉弱，其人续自便利，设当行大黄芍药者，宜减之，以其人胃气弱，易动故也。

辨少（shào）阴病脉证并治第十一

[281]少阴之为病，脉微细，但欲寐也。

[282]少阴病，欲吐不吐，心烦，但欲寐，五六日自利而渴者，属少阴也，虚故引水自救。若小便色白者，少阴病形悉具。小便白者，以下焦虚有寒，不能制水，故令色白也。

[283]病人脉阴阳俱紧，反汗出者，亡阳也，此属少阴，法当咽痛而复吐利。

[284]少阴病，咳而下利谵语者，被火气劫故也，小便必难，以强责少阴汗也。

[285]少阴病，脉细沉数，病为在里，不可发汗。

[286]少阴病，脉微，不可发汗，亡阳故也。阳已虚，尺脉弱涩者，复不可下之。

[287]少阴病，脉紧，至七八日，自下利，脉暴微，手足反温，脉紧反去者，为欲解也，虽烦下利，必自愈。

[288]少阴病，下利，若利自止，恶寒而踰（quán）卧，手足温者，可治。

[289]少阴病，恶寒而踡，时自烦，欲去衣被者，可治。

[290]少阴中风，脉阳微阴浮者，为欲愈。

[291]少阴病，欲解时，从子至寅上。

[292]少阴病，吐利，手足不逆冷，反发热者，不死。脉不至者，灸少阴七壮。

[293]少阴病，八九日，一身手足尽热者，以热在膀胱，必便血也。

[294]少阴病，但厥无汗，而强发之，必动其血，未知从何道出，或从口鼻，或从目出者，是名下厥上竭，为难治。

[295]少阴病，恶寒身踡而利，手足逆冷者，不治。

[296]少阴病，吐利躁烦，四逆者，死。

[297]少阴病，下利止而头眩，时时自冒者，死。

[298]少阴病，四逆，恶寒而身踡，脉不至，不烦而躁者，死。

[299]少阴病，六七日，息高者，死。

[300]少阴病，脉微细沉，但欲卧，汗出不烦，自欲吐，至五六日自利，复烦躁，不得卧寐者，死。

[301]少阴病，始得之，反发热，脉沉者，**麻黄细辛附子汤**主之。麻黄 细辛 附子

[302]少阴病，得之二三日，**麻黄附子甘草汤**微发汗。以二三日无里证，故微发汗也。麻黄 附子 甘草

[303]少阴病，得之二三日以上，心中烦，不得卧，**黄连阿胶汤**主之。黄连 黄芩 芍药 阿胶 鸡子黄

[304]少阴病，得之一二日，口中和，其背恶寒者，当灸之，**附子汤**主之。附子 茯苓 白术 芍药 人参

[305]少阴病，身体痛，手足寒，骨节痛，脉沉者，**附子汤**主之。

[306]少阴病，下利便脓血者，**桃花汤**主之。赤石脂 干姜 粳米

[307]少阴病，二三日至四五日，腹痛，小便不利，下利不止，便脓血者，**桃花汤**主之。

[308]少阴病，下利便脓血者，可刺。

[309]少阴病，吐利，手足逆冷，烦躁欲死者，**吴茱萸汤**主之。吴茱萸 生姜 大枣 人参

[310]少阴病，下利，咽痛，胸满，心烦，**猪肤汤**主之。猪肤 白蜜 白粉

[311]少阴病，二三日，咽痛者，可与**甘草汤**；不差(chàì)，与**桔(jié)梗汤**。甘草汤方：甘草(生) 桔梗汤方：桔梗 甘草(生)

[312]少阴病，咽中伤，生疮，不能语言，声不出者，**苦酒汤**主之。半夏 苦酒 鸡子清

[313]少阴病，咽中痛，**半夏散及汤**主之。半夏 桂枝 甘草

[314]少阴病，下利，**白通汤**主之。葱白 干姜 附子

[315]少阴病，下利，脉微者，与**白通汤**，利不止，厥逆无脉，干呕烦者，**白通加猪胆汁汤**主之。服汤，脉暴出者死，微续者生。白通加猪胆汁汤：葱白 干姜 附子 人尿 猪胆汁

[316]少阴病，二三日不已，至四五日，腹痛，小便不利，四肢沉重疼痛，自下利者，此为有水气，其人或咳，或小便利，或下利，或呕者，**真武汤**主之。附子 茯苓 白术 芍药 生姜

[317]少阴病，下利清谷，里寒外热，手足厥逆，脉微欲绝，身反不恶寒，其人面色赤，或腹痛，或干呕，或咽痛，或利止脉不出者，**通脉四逆汤**主之。甘草 干姜 附子

[318]少阴病，四逆，其人或咳，或悸，或小便不利，或腹中痛，或泄利下重者，**四逆散**主之。枳实 芍药 甘草 柴胡

[319]少阴病，下利六七日，咳而呕渴，心烦不得眠，**猪苓汤**主之。猪苓 茯苓 泽泻 阿胶 滑石

[320]少阴病，得之二三日，口燥咽干者，急下之，宜**大承气汤**。厚朴 枳实 大黄 芒硝

[321]少阴病，自利清水，色纯青，心下必痛，口干燥者，可下之，宜**大承气汤**。

[322]少阴病，六七日，腹胀不大便者，急下之，宜**大承气汤**。

[323]少阴病，脉沉者，急温之，宜**四逆汤**。甘草 干姜 附子

[324]少阴病，饮食入口则吐，心中温温欲吐，复不能吐。始得之，手足寒，脉弦迟者，此胸中实，不可下也，当吐之。若膈上有寒饮，干呕者，不可吐也，当温之，宜**四逆汤**。

[325]少阴病，下利，脉微涩，呕而汗出，必数更衣，反少者，当温其上，灸之。

辨厥阴病脉证并治第十二（厥利呕哕附）

[326]厥阴之为病，消渴，气上撞心，心中疼热，饥而不欲食，食则吐蛔，下之，利不止。

[327]厥阴中风，脉微浮，为欲愈；不浮，为未愈。

[328]厥阴病，欲解时，从丑至卯上。

[329]厥阴病，渴欲饮水者，少少与之愈。

[330]诸四逆厥者，不可下之，虚家亦然。

[331]伤寒，先厥后发热而利者，必自止，见厥复利。

[332]伤寒，始发热六日，厥反九日而利。凡厥利者，当不能食，今反能食者，恐为除中，食（sì）以索饼，不发热者，知胃气尚在，必愈，恐暴热来出而复去也。后日脉之，其热续在者，期之旦日夜半愈。所以然者，本发热六日，厥反九日，复发热三日，并前六日，亦为九日，与厥相应，故期之旦日夜半愈。后三日脉之而脉数，其热不罢者，此为热气有余，必发痈脓也。

[333]伤寒脉迟六七日，而反与**黄芩汤**彻其热。脉迟为寒，今与**黄芩汤**，复除其热，腹中应冷，当不能食，今反能食，此名除中，必死。黄芩 芍药 甘草 大枣

[334]伤寒，先厥后发热，下利必自止，而反汗出，咽中痛者，其喉为痹。发热无汗，而利必自止；若不止，必便脓血，便脓血者，其喉不痹。

[335]伤寒，一二日至四五日厥者，必发热。前热者后必厥，厥深者热亦深，厥微者热亦微。厥应下之，而反发汗者，必口伤烂赤。

[336]伤寒病，厥五日，热亦五日，设六日当复厥，不厥者自愈。厥终不过五日，以热五日，故知自愈。

[337]凡厥者，阴阳气不相顺接，便为厥。厥者，手足逆冷者是也。

[338]伤寒脉微而厥，至七八日肤冷，其人躁无暂安时者，此为脏厥，非蛔厥也。蛔厥者，其人当吐蛔。令病者静，而复时烦者，此为脏寒。蛔上入其膈，故烦，须臾复止；得食而呕，又烦者，蛔闻食臭出，其人常自吐蛔。蛔厥者，**乌梅丸**主之。又主久利。乌梅 细辛 干姜 黄连 当归 附子 蜀椒 桂枝 人参 黄柏（bò）[米 蜜]

[339]伤寒，热少微厥，指头寒，嘿（mò）嘿不欲食，烦躁。数日小便利，色白者，此热除也，欲得食，其病为愈。若厥而呕，胸胁烦满者，其后必便血。

[340]病者手足厥冷，言我不结胸，小腹满，按之痛者，此冷结在膀胱关元也。

[341]伤寒，发热四日，厥反三日，复热四日，厥少热多者，其病当愈。四日至七日，热不除者，必便脓血。

[342]伤寒，厥四日，热反三日，复厥五日，其病为进。寒多热少，阳气退，故为进也。

[343]伤寒六七日，脉微，手足厥冷，烦躁，灸厥阴，厥不还者，死。

[344]伤寒发热，下利厥逆，躁不得卧者，死。

[345]伤寒发热，下利至甚，厥不止者，死。

[346]伤寒六七日不利，便发热而利，其人汗出不止者，死。有阴无阳故也。

[347]伤寒五六日，不结胸，腹濡（rú），脉虚，复厥者，不可下，此亡血，下之死。

[348]发热而厥，七日下利者，为难治。

[349]伤寒脉促，手足厥逆，可灸之。

[350]伤寒脉滑而厥者，里有热，**白虎汤**主之。石膏 知母 甘草 粳米

[351]手足厥寒，脉细欲绝者，**当归四逆汤**主之。当归 桂枝 芍药 甘草 细辛 大枣 通草

[352]若其人内有久寒者，宜**当归四逆加吴茱萸生姜汤**。当归 桂枝 芍药 甘草 细辛 大枣 通草 吴茱萸 生姜

[353]大汗出，热不去，内拘急，四肢疼，又下利厥逆而恶寒者，**四逆汤**主之。甘草 干姜 附子

[354]大汗，若大下利而厥冷者，**四逆汤**主之。

[355]病人手足厥冷，脉乍紧者，邪结在胸中，心下满而烦，饥不能食者，病在胸中，当须吐之，宜**瓜蒂散**。瓜蒂 赤小豆

[356]伤寒厥而心下悸，宜先治水，当服**茯苓甘草汤**，却治其厥。不尔，水渍（zì）入胃，必作利也。茯苓 桂枝 生姜 甘草

[357]伤寒六七日，大下后，寸脉沉而迟，手足厥逆，下部脉不至，咽喉不利，唾脓血，泄利不止者，为难治，**麻黄升麻汤**主之。麻黄 升麻 当归 知母 黄芩 萎蕤（wēi ruí）芍药 天门冬 桂枝 茯苓 甘草 石膏 白术 干姜

[358]伤寒四五日，腹中痛，若转气下趋少腹者，此欲自利也。

[359]伤寒本自寒下，医复吐下之，寒格更逆吐下，若食入口即吐，**干姜黄芩黄连人参汤**主之。干姜 黄芩 黄连 人参

[360]下利，有微热而渴，脉弱者，今自愈。

[361]下利，脉数，有微热汗出，今自愈；设复紧，为未解。

[362]下利，手足厥冷，无脉者，灸之不温，若脉不还，反微喘者，死；少阴负趺（fū）阳者，为顺也。

[363]下利，寸脉反浮数，尺中自涩者，必清脓血。

[364]下利清谷，不可攻表，汗出必胀满。

[365]下利，脉沉弦者，下重也；脉大者，为未止；脉微弱数者，为欲自止，虽发热，不死。

[366]下利，脉沉而迟，其人面少赤，身有微热，下利清谷者，必郁冒汗出而解，病人必微厥。所以然者，其面戴阳，下虚故也。

[367]下利，脉数而渴者，今自愈；设不差（chà），必清脓血，以有热故也。

[368]下利后，脉绝，手足厥冷，晬（zuì）时脉还，手足温者生，脉不还者死。

[369]伤寒下利，日十余行（xíng），脉反实者，死。

[370]下利清谷，里寒外热，汗出而厥者，**通脉四逆汤**主之。甘草 干姜 附子

[371]热利下重者，**白头翁汤**主之。白头翁 黄连 黄柏（bò） 秦皮

[372]下利，腹胀满，身体疼痛者，先温其里，乃攻其表，温里宜**四逆汤**，攻表宜**桂枝汤**。

[373]下利，欲饮水者，以有热故也，**白头翁汤**主之。

[374]下利，谵语者，有燥屎也，宜**小承气汤**。大黄 厚朴 枳实

[375]下利后更烦，按之心下濡者，为虚烦也，宜**栀子豉汤**。栀子 香豉

[376]呕家有痈脓者，不可治呕，脓尽自愈。

[377]呕而脉弱，小便复利，身有微热，见厥者，难治，**四逆汤**主之。甘草 干姜 附子

[378]干呕，吐涎（xián）沫，头痛者，**吴茱萸汤**主之。吴茱萸 生姜 大枣 人参

[379]呕而发热者，**小柴胡汤**主之。柴胡 黄芩 半夏 生姜 人参 甘草 大枣

[380]伤寒大吐大下之，极虚，复极汗者，其人外气怫（fú）郁，复与之水，以发其汗，因得哕（yuě）。所以然者，胃中寒冷故也。

[381]伤寒，哕而腹满，视其前后，知何部不利，利之即愈。

辨霍乱病脉证并治第十三

[382]问曰：病有霍乱者何？答曰：呕吐而利，此名霍乱。

[383]问曰：病发热头痛，身疼恶寒，吐利者，此属何病？答曰：此名霍乱。霍乱自吐下，又利止，复更发热也。

[384]伤寒，其脉微涩者，本是霍乱，今是伤寒，却四五日，至阴经上，转入阴必利，本呕下利者，不可治也。欲似大便，而反失气，仍不利者，此属阳明也，便必硬，十三日愈，所以然者，经尽故也。下利后，当便硬，硬则能食者愈；今反不能食，到后经中，颇能食，复过一经能食，过之一日当愈；不愈者，不属阳明也。

[385]恶寒脉微而复利，利止亡血也，**四逆加人参汤**主之。甘草 干姜 附子 人参

[386]霍乱，头痛发热，身疼痛，热多欲饮水者，**五苓散**主之；寒多不用水者，**理中丸**主之。五苓散方：茯苓 白术 猪苓 泽泻 桂枝 理中丸方：人参 甘草 干姜 白术

[387]吐利止，而身痛不休者，当消息和解其外，宜**桂枝汤**小和之。桂枝 芍药 甘草 生姜 大枣

[388]吐利汗出，发热恶寒，四肢拘急，手足厥冷者，**四逆汤**主之。甘草 干姜 附子

[389]既吐且利，小便复利，而大汗出，下利清谷，内寒外热，脉微欲绝者，**四逆汤**主之。

[390]吐已下断，汗出而厥，四肢拘急不解，脉微欲绝者，**通脉四逆加猪胆汁汤**主之。甘草 干姜 附子 猪胆汁

[391]吐利发汗，脉平，小烦者，以新虚不胜谷气故也。

辨阴阳易差（chài）后劳复病脉证并治第十四

[392]伤寒阴阳易之为病，其人身体重，少气，少腹里急，或引阴中拘挛，热上冲胸，头重不欲举，眼中生花，膝胫拘急者，**烧裨（kūn）散**主之。

[393]大病差后劳复者，**枳实栀子汤**主之。枳实 栀子

[394]伤寒差以后，更发热，**小柴胡汤**主之。脉浮者，以汗解之；脉沉实者，以下解之。柴胡 黄芩 半夏 生姜 人参 甘草 大枣

[395]大病差后，从腰以下有水气者，**牡蛎泽泻散**主之。牡蛎 泽泻 蜀漆 葶（tí） 苈（lì） 子 商陆根 海藻 栝楼根

[396]大病差后，喜唾（tuò），久不了（liǎo）了，胸上有寒，当以丸药温之，宜**理中丸**。人参 甘草 干姜 白术

[397]伤寒解后，虚羸（léi）少气，气逆欲吐，**竹叶石膏汤**主之。竹叶 石膏 麦门冬 半夏 人参 甘草 粳米

[398]病人脉已解，而日暮微烦，以病新差，人强（qiǎng）与谷，脾胃气尚弱，不能消谷，故令微烦，损谷则愈。

~~~~~

\*主要参考书：《伤寒论》（[北京中医药大学]钱尘超、郝万山整理，中医临床必读丛书，人民卫生出版社），《伤寒论译释》（第四版，[南京中医药大学]陈亦人主编，上海科学技术出版社），《伤寒论大字繁体拼音本》（闻素灵主编，新疆人民出版社）、《胡希恕伤寒论讲座》（胡希恕，学苑出版社）等。

\*每条都标上了序号以便交流时查找原文；排版尽量紧凑压缩页数少翻页；生僻字或易念错的字尽可能标上了拼音；方子只列药味其余省略；“。”为句中语气停顿。

\*有争议的句读、读音和文字（误字、衍文、阙文、不同版本的差异等）之取舍，主要是为便于诵读、理解和临床应用，非学术校勘。